

مستطابق

محل اراره :
در سعادتده باب عالی جاده سنده
اداره مخصوصه

مستطابقه موافق آثار جدید مع المستطابقه
قبول اولتور
درج تبدیلی آثار اعاده اورنار

دین، فلسفه، ادبیات، حقوق و علوم دین باحث هفته لقا رساله در

مؤسسه لری : ابوالعلا زین العابدین - ح . اشرف ادیب

در سعادتده نسخه بی ۵۰ پاره در

قبولدن مقوا بورو ایله کوندریلیرسه سنوی
۲۰ فروش فضله آلنیر

تاریخ تأسیسی :
۱۱ نموز ۳۲۴

سنه لکی	القی آیللی	درسه دنده
۶۰	۲۰	ولا یانده
۸۰	۴۰	مملک اجنبیه ده
۸۰	۴۰	

در سعادتده پوسته ایله کوندریلیرسه ولایات بدلی اخذ اولدوز.

ایکنجی جلد

۱۴ جمادی الاول ۳۲۷ پنجشنبه ۲۱ مایس ۳۲۵

عدد : ۳۹

مزایای انسانیه

مخصائل فاضله اسلامیه

جمعه سندن بری ده (الحیاء زینة للانسان) حدیث شریفی دلالتیه انسان ایچون بری بدل برینت وزیروره محافظه ناموس ملی به مدار اکبر اولان حیاءدکه بوخصالت عالیه (الحیاء من الایمان) حدیث شریفده جوهر ایماندن جزء قلنمق صورتیه اهل ایمانک وظائف اساسیه و اوصاف کزیده سندن بولندینی اشعار بیورلمشدر .

بخاری شریفده مسطور اولدینی اوزره برهائینک یک زیاده مفطور حیا اولمسنه منی بعض اخوانی طرفندن معاتبه اولوندینی مسموع جناب رسالتناهی اولدوقده (دعه فان الحیاء من الایمان) بیورلمشیدی . معنای شریفی : اونی حالته براق، کندیسنه عتاب ایتمه . زیرا حیا صفی صحت ایمان علاماتندن . مؤمنلرک اخلاق فضائل اشتهالنددره . یعنی اوده اصل ایمان کبی ارتکاب فواحشه مانع، هر خیر و سعادتده داعیدر . نصلکه بر حدیث شریفده ده (الحیاء خیرکله الحیاء لایاتی الاجیر) بیوریلهرق بوصفت جمیهلک محض خیر اولوب دائما نتائج خیریه تولید ایتمکده اولدینی تصریح قلنمشدر .

کذلک بر حدیث شریفده (الحیاء والایمان مقرونان اذاسلب احدها تبعه الآخر) حیا ایله ایمان برسلکه دیزلمش اولملریله بریسی دوشونجه اوتیه کی ده برابر کیدر، دیگر حدیث شریفده (الحیاء من الایمان والایمان من الجنة والبذاء من الجفاء والجفاء فی النار) حیا ایماندن کلیر، ایمان ایسه جته سائق، عارسزلق، بدزبانلق جفادن ناشی، جفاده ناره لائقدر . بیورلمش .

حیا وخجالتدن عاری، عاروناموسدن بری اولان کسانک هر مزیت

انسانیه دن خالی، هر درلوسیئاته، انواع فضیخته منهمک بولونه جقلرینی بیان ایله بوخصالت عالیه نیک حائر اولدینی اهمیت، فقدانی تقدیرنده مترتب اولان وزر و وخامت ینه بخاری شریفک حاوی اولدینی احادیثک، جوامع الکلم محمدینک برنده صورت بلیغانده تصویر بیورلمشدر . ابومسعود بدری رضی الله عنه دن مروی اولان بو حدیث شریف بروجیه آتی اولوب امام نوای حضرتلرینک اک زیاده جالب دقت، باعث سلامت امت اوله جق احادیثدن متشکل اولمق اوزره جمع ایلش اولدینی « حدیث اربعین » کتابنده داخلدر .

(ان مما ادرك الناس من كلام النبوة اذا لم تستح فاصنع ما شئت) صدق رسول الله بو حدیث شریف سنن ابی داود و ابن ماجه ایله مسند احمد بن حنبله دخی « من كلام النبوة الاولى » عباره سیله ، ینه صحابی مشارالیه دن، کذلک مسند احمدک دیگر محله ده جناب حذیفه دن مروی اوله رق مذکوردر . معنای شریفی :

ناسک من القديم نبوت اولی کلامندن، انبیای سالفین کلامندن اولمق اوزره ادراک ایتدکری بر فقره « سن حائر استحیا، صاحب حیا اولمدیفک تقدیرده دیله دیکفی یاب » کلام شریفدر .

بو حدیث عالی حقنده بعض شراح « برایش طوته جفک زمان برکده دوشون . اگر اوندن طولانی سکا بر خجالت کلیمه جک ایسه اونی ایشله تردد ایتمه ، و الا ترک ایله » دییه تفسیر اولنمغه محتملدر دیورلر . واقعا بومعنی حد ذاتنده طوغرودر . چونکه هر مکلفک ایشلیه جکی ایش اگر واجب و یا مستحب انواعندن یا خود منافی مروت عد اولنمیان امرباح قیلندن اولور ایسه ایشله مسنده عار لاحق اولیه جفندن مأذونیت شرعیه ثبوتی آشکاردر . بویه اولمادینی

تقدیرده یا حرام، یا مکروه، یا خود منافی مروت و مغایر شعار آدمیت
اوله جغندن ترکی لازم کلیر .

بو معنایه کوره حدیث مذکور غایت و جازتیه برابر بالجملة اقسام
احکامی جامع بولور. نقط قوانین بلاغتیه دهها موافق اولان احتمال
« اعملوا ما شئتم » نظم جلیلمده اولدینی کبی « فاصنع ما شئت » تعبیرینک
امر تهیدید، محروم حیا اولان بی وایکانه قارشیی بیان و عیند اولسی
و خلاصه مفادک « اگر سن کیمسه دن اوتانیه جق، عار و حیادن بالکلیه
عاری قاله جق اولورسه ک ایسته دیکنی یاب جزای لایقکی کوررسک »
مألندن عبارت قلمسی در .

بوتون شراح بو تفسیری ترجیح ایتمشلردرکه رجحاننده اشتباه
یوقدر . صیغه امرک مقام تهیدیده استعمالی شایع اولوب کتب
اصولیه ده مذکوردر . نصیحت دیکلمه مین، خطرات واقعیه قولاق
اصمیان کیمسه صو ک جواب اولق اوزره « هایدی بیلدیکک کبی
حرکت ایله ، النیدن کلنی دریغ ایتمه » دیرلرکه عاقبة الامر بلاکی
بولورسک دیمکدر . « اعملوا ما شئتم انه بما تعملون بصیر »
قول کریمی ده بوقیلنددر . معنای مفادی: ای معاند قوللرا دیله دیککیزی
یاییکزی ، هوا پرستانه حرکاتکزدن دونمیکزی . الله (تعالی) بوتون
اعمالکزی ، ظاهر و باطنکزی بیلیر ، جزای لایقکزی ویرر .

فوق الغایه مهم و ممدوح اولان شو حیا صفت عالیه سنکده سائر
اخلاق فاضله کبی افراط و تفریط نوعندن ایکی نقیضی واردر . بری
فرط خجلاندرکه انسان حقوقنی محافظه و مدافعه باینده خلقدن چکنمک
بیلنمسی ایجاب ایدن مسائل دینییه استفساری مقصدیله اربابنه مراجعتده
صقلیق [۱] امر بالمعروف ، نهی عن المنکر وظائفنی ایفاده غایت جبین
اولق کبی برطاقم حالات غیر مرغوبه بی انتاج ایدر .

بونک مذمومیتنده اشتباه اولونماز . بمضاً « الحياء يمنع الرزق »
کبی عبارتده تشبیهاً بوکده حیا اطلاق اولونور . نصل که غبطه
حسد اطلاق واقعدر . بواطلاقلر مجاز اولوب حقیقت دکدر .
حیسانک تفریطدن عبارت اولان نقیض دیکری « وقاحت » تسمیه
اولونورکه عارسزلق و کستا خلق تعبیر ایتدیکمز خصلت ردیته دیمکدر .
بوصفت ذمیعه ادانی و ارادل اشخاصه مخصوصدر . اونلر شعار آدمیته
مغایر بولونان بوصفت رذیله سائقه سیله هر مذلت ، هر آچاققلغه قاتلانیرلر .
هر درلو فضایح و فجایع ارتکابنه جرئت پیدا ایدرلر . محضاً بوصفت
سایسنده هر کس طرفندن و جاهاً ، غیاباً ترجیح وتلیمین اولوندقلری
حالده عالم بشریت ایچنده یاشایه بیلیرلر . مفسدتلری میدان چیقار ،
بوتون عالمه قارشیی رسوای اولورلرده ذره قدر عار ایتزلر . بالعکس
بو حال نصیحت اشتمالی حقلرنده عین کمال کورمه رک اقتضار ایدرلر .
ایشته (فاصنع ما شئت) سری بونلرک ناصیه لرنده تماماً منجلیدر .

بوصفت رذیله ده دهها کامل ، مهسارتلری برملتک ، قوجه

[۱] عائشه صدیقه رضی الله عنها انصار کرام قایلنلرینی « نم انساء نساء
الانصار لم یمنهن الحياء ان یسألن عن امر دینهن » دبه ثنا بیورمنلردر .

بردولتک (العیاذ بالله) انقراض و انمحاسنه بادی اوله جق انواع مکائد
اجراسنه مساعد و شامل اولانلرده کورلمکده درکه بوفرومایه لر نه قدر
یاش و حرمانه کرفتار اولسه لر هزاران ملعتله غاصب اولدقلری
استفاده مادییه بی ، الله ایتش بواندقلری حکام دنیوی بی پیشگاه انظاره
وضع و اعلان ایله « وفاز بالذلة الجسور » مصراع مشهورینی اوقویه رق
فخر و مباهات ایدرلر و « یک دم بی حیائی باقی همه حضور » سرینه
مظهریت خلیاسیله ، بلکه ده بوضورتله اولسون تاریخ عالمده ابقای نام
ایتمک فکری ایله تسلیتیاب اولورلر .

انکار اولنمازکه بوده بر شهرتدر . اما نه شهرت ! یار و اغیار
نزدنده ، بوتون اقوام نظرنده کرفتاری ملعت . وارسون اوله
اولسون، او درلو حریفلر بوکده جان آتارلر . چونکه باشقه نه یه یارارلر؟
بوالچه زمزمی لغتله آکار خلق
سن کجه کبی کندیکی حرمتله بنام ایت

بیت مشهورینک منی علیی اولان قصه خباثتکارانه کتب محضراتده
معلومدر . باشقه صورتله کسب اشتهار ایدمه مین ارادلک بری ده اوله
بر فضاحت اجتناسار ایتش ایتش . بو صرمه لرده شو حدیث شریفه ماصدق
اولان اثرانک هرچشیدی کورلش ، بالخاصه بغایه الله مظهر اولدیغمز
مشروطیت مشروعه سایه سننده احراز ایتدکری نعمت حریتی سوء
استعمال ایدن ارادل مقوله سنندن اولوب صحائف اقدام بی اذعانده بر
مدت بالاپروازلق ایدمه رک ، تواریخ عالمه ، ادبیات اسلامییه آشنالق
طاسلایارق پک چوق کنجلیری ، برطاقم ساده دللری دام تزویر و اغفالنه
دوشورمه رک مسمی بالنقیض سفیل معهودک بو زمرة وقاحتکاران
پیشوالرندن اولدینی — سیئات سابقه و جرائم لاحقه لرینه علاوة —
بودفه مملک اجنبیده دین و دولت دشمنلری ، اک الحاق همپاريله
برلشه رک اوج لسان اوزره نشریات مفسدتکارانه ده بولنه جقلرینی بی
پروا ومع الافتخار اعلان ایتسیله پیشگاه انظار عمومی ده تماماً تجسم ایتشددر .
وقاحتک ، آچققلغک ، نانکورلکک بو درجه سنه حیرت ایتمه مک
قابل دکلسمده بو شردمه ملاعینک احوال ماضیه لری دوشونولنجه بو
حیرت درعقب زائل اولمقده در .

همان وجه منحوسلرندن پرده عار و حیائی رفع ایدن عادل
ذوالجلال کندیسیله برابر بوتون امثالنک صحیفه عالمدن وجودلرینی ده
رفع و ازاله بیورسون آمین .

مناسرتی اسماعیل هفی

نجائب قرآنیة

سورة : تکویر آیت — ۸،۹

(واذا الموءودة سئلت : بای ذنب قتلت)

[زمان جاهلیتده عربلر قیز اولادینی ثنر وفاقیه دوجار اولورز